

ISERIT



Inissiat toqqissisimanartut



ISERIT A/S

Inissiaatileqatigiiffik Iserit A/S kommunimit pigineqarpoq, Nuummi, Paamiuni, Tasiilami Ittoqqortoormiunilu inissianik attartortitsinermik allaffissornermillu ingerlatsisuulluni. Qitiusumik allaffeqarfik Nuummi inissisimavoq, taassumalu saniatigut Tasiilami Paamiunilu immikkut allaffeqarluni.

Iserit A/S-imi inuit 20-it miss. sulisorineqarput, taakkulu tamarmik attartortunut assigiinngitsutigullu suleqatigisatsinnut kiffartuussinermik pitsaanerpaamik ingerlatsiniartuupput.

Ingerlatitseqatigiiffimmi isumagisassat imikkoortotanut agguataarneqarsimapput, taakkulu tamarmik immikkut akisussaaffigisanik ingerlatsiviupput.

Pisortaqarfimmi ingerlatitseqatigiiffimmut akisussaaffik tamakkiisumik tigummineqarpoq.

Ingerlatsiveqarfimmi illunik tuniniaanerit, piginnittut peqatigiiffii, naammagittaalliutit allarpassuillu isumagineqarput. Tassani nutaanik sulisussarsiorneq aamma isumagineqarpoq, kiisalu suliat ingerlanneqarneri tullerriiaarnissaallu nassuiaasersorneqartarlutik, tamakulu saniatigut suliassarpassuit allat ingerlatsinermut tunngassuteqartut aallunneqarlutik.

Attartortitsinermut immikkoortortami ulluinnarni allaffissornikkut suliassat isumagineqartarput, inigisanullu tunngasut tamaasa pillugit, assersuutigalugit utaqquisunut allatsinnissaq, inigisassamik innersuunneqarneq, inigisanik paarlaateqatigiinnerit kissaatigisallu najoqqutaralugit nuunnerit, attartornermi isumaqatigiissutit, inigisamut akiliisitsisarnerit, inigisap qimannisaanut apeqqutit allarpassuillu tamakkununga tunngasut pillugit tassunga saaffiginnissinnaavutit.

Naatsorsuuserivimmi ullormiit ullormut aningaasaqarikkut missingersuusiornikkullu suliassat, tassunga ilanngullugit imermut kiassarnermullu naatsorsuutit ingerlanneqarput. Imermut kiassarnermullu naatsorsuutit kiisalu naatsorsuutit nalunaarusiat aamma tassangaanniit nassiuorsorneqartarput.

Teknikimut immikkoortortami aserfallatsaaliuinerit, iluarsaassinerit, misissuinerit teknikkullu suliassat allat Kommuneqarfik Sermersooqmi inissiaatigineqartunut tunngasut tamarmik suliareqartarput. Suliassat tamakku saniatigut Kommuneqarfik Sermersooq sinnerlugu nutaanik inissialiortoqaleraangat teknikkut immikkoortortami sanaartortitsinut siunnersuinerit ingerlanneqartarput.


Ilanngullugu Kommuneqarfik Sermersooq sinnerlugu kiffartuussinermut suliassaritinneqartut arlalippassuit Iserit A/S-imit isumagineqartarput. Ilaatigut makkuusut:

- Inissiani kommunimit attartortinneqartuni aserfallatsaaliuinerit nutarterinillu annikinnerusut
- Nutaanik inissialiornernut atatillugu sanaartornermik allaffissornikkut aqutsineq
- Kommunip utaqqiisigalugu inissiaataannik ingerlatsineq
- Inissianik pisiortornerit tuniniaanerillu
- Inuussutissarsiortunit attartugassiat allaffissornikkut isumagineqarneri

Maannakkut attartortut siunissamilu attartortussat qanimut attaveqarfigineqarnerisigut kiffartuussineq pitsaanerpaaq Iserit A/S-imi qitiutipparput, inissiaatitsinnilu najugaqartut ajunnginnerpaamik atugaqar-nissaat siunertaralugu Kommuneqarfik Sermersooq qanimut suleqatigaarput.

Allaffissornikkut pitsannerpaamik eqaatsumillu ingerlatsinikkut unneqqarissaartumik aningaasarsiornikkut aqutsinnissaq Iserit A/S-imi anguniagaraarput. Inissiaat-ta ajunngitsumik aserfallatsaaliugaanissaat, taamatullu attartortutsinnut, najugaqarfinnik piginnittunut, pilersuisutsinnut suleqatigisatsinnullu allanut ajunngit-sumik attaveqarinnissaq soorunalimi kissaatigisaraarput.

Innuttaasut akornanni inissisimalluarnitsigut, attartortutsinnut qanimut inissisimanitsigut aammalu Kommuneqarfik Sermersooqmi, inissiaatinik piginnittuusumik, suleqateqarluarnikkut tamanna angusinaavarput.



Najugaqarfigisavit iluani silaannaap pitsaanerpaanis-saa ima attassinnaavat

Inissiat nutaaliat oqorsarluarnikuusaramik ussisuupput, taamaammallu kiammik asuli aniatitsineq pinngitsoorneqarsinnaalluni, taamaakkaluatorli silaannalersuineq silaannarissaanerlu illit peqqissutsinnut najugaqarfigisavillu 'peqqissuunissaanut' pingaaruteqarput.

Imaappormi kiaguttarnitsigut, anersaartortarnitsigut kiisalu igaffimmit, uffarfimmit atisanillu panersiinernit ilaqutariit ullormut agguaqatigiissillugu imeq 15 liter-it tungaanut annertutigisoq aniatittaraat. Aalap angerlarfigisamit aniatinneqartarnissaa ullut tamaqqinnaasa isumagisariaqassavat.

Najugaqarfiit ullut tamaasa iluamik silaannarissartanngikkukku inigisanni ajornartorsiutit imaannaangitsut pilersinnaapput. Illup qisuttai aajartorsinnaapput, aammalu oqlernera isugutamillu simerneqalersinnaanera aallartissinnaallutik. Tamakkulu timikkut malusarippallaarneq anersaartornikkullu ajoquteqalernerit kingunerisinnaavaat.

Taamatuttaaqq illup sananeqaataani atorneqarsimasut, pequtit, annoraaminernit imaluunniit eqqiaanermi atortorissaarutit angerlarsimaffimmi amigartumik silaannarissartarnerup iggissami qiaq aamma anersaartornitsinni timitsinni pigisatta akornuserneqarneri kingunerisinnaavaat.

Ilinnut iluaqutaasumik ullut tamaasa iluamik inigisap silaannarissarneratigut tamakku avaqunniarsinnaavatit.

Qanoq ilillunga silaannarissaasassaanga?

Ullup unnuallu ingerlanerini min. tallimat - qulit miss. silaannarissarneq amerlanernut naammassinnaavoq. Saniatigulli igaffimmi uffarfimmi ataavartumik silaannarissaasarnissaq pisariaqarpoq. Tamatumani assersuutigalugu silaannarissaarutit innaallagiatortut atorneqarsinnaapput.

Aamma angerlarsimaffinni silaannarissarnermut atortut ajunngitsumik atuunnersut nakkutiginerisigut imminut ikiorsinnaavutit. Tamanna ilaatigut silaannarissarnermut atortut assersorneqannginnerisigut minguitsuutinnerisigullu pisinnaavoq.

Assersuutigalugu aalap milluaasuata sorujuaataata mingui peersinniarlugit akuttunngitsumik salittassavat. Iganerni igat atukkatit matoqartikkukkit igaffimmi ilinnut oqilisaaffigisinnaavutit. Aalamik milluaasoq piginnikkukku igalaat silaannarissaarutillu ammatit-tariaqartassavatit.

Uffarnerup nalaani kingornalu aalap aniaffissaqarnissaa aamma qulakkertariaqarpat. Angerlarsimaffiullu iluani errortanik panersiissaguit silaannarissaanissap pingaaruteqarnera immikkut eqqumaffigissavat.



Inissiaatitsinnik aserfallatsaaliuinerit

Nuup illoqarfittaani inissiaateqarfii aserfallassimaqisut tamakkiisumillu aserfallatsaaliuisariaqartut takussaapput. Inissiat tamakku annertunertigut Namminersorlutik Oqartussanit pigineqarput, ilaatigullu makuullutik:

Blok P
Narsarsuaq
Radiop Qaqqaa
Kongevejen

Kommuneqarfik Sermersooq Namminersorlutik Oqartussat peqatigalugit Tuujuk aamma Blok P pillugit ataatsimoorussamik pilersaarusiorsimavoq. Pilersaarut naapertorlugu Blok P-p ingutserneqarnissaa 2012-imi aallartinneqassaaq, Tuujullu isaterneqarnera 2012-ip aallartinnerani pissalluni. Inissiaateqarfii allat ukiuni tulliuuttuni 2020-llu tungaanut ingutserneqassapput.

Aserfallsaliuinerit ukiut tallimat, arfineq pingasullu akornanni sivistigisumi ingerlanneqarnissaat ilimagineqarpoq, taamaammallu Namminersorlutik Oqartussat nutaanik inissialiorneq ingerlatilersimavaat, taakkunanilu najugaqarfinni pineqartuni najugaqartut inissaqartinneqarnissaat siunertaalluni. Inissiat nutaat ullutsinnut naleqqunnersumik sananeqarput, taamatullu inissianik utoqqarnit innarluutilinnillu atugassianik ilaqartinneqarlutik.

Inissiaatini allani aserfallatsaaliuinissat piffissap taassuma ingerlanerani allartisarneqassapput, suliassallu ukioq 2020-mi tamakkiisumik naammassineqarnissaat ilimagineqarluni. Ukiuni aggersuni Tasiilami nutaanik inissialortitsinissaa kommunimit aamma ilimagineqarpoq.


Aningaasat atugassiarineqartut utertinnissaannut iluamik periarfissaqanngitsillugu inissianik 200-t sinerlugit amerlassusilinnik sannaartortitsinissaq Kommuneqarfik Sermersooq-mut soorunalimi aningaasaqarnikkut imaannaanngitsuvoq.

Kommuneqarfik Sermersooq-mi utaqqinermut piffissat imaapput

Kommunip iluani inissiaateqarfii 80%-ii tassaapput inissiat attartugassiat pisortat aningaasaliinerisigut sananeqarsimasut. Nuummi inissiat pineqartut ilarparujussui (40%) pisortaqarfinni sulisunit najugaqarfineqarput. Taamaammatt Nuummi inissiat tamanit attartorneqarsinnaasut killeqarneri pillugu imaannaanngitsumik pisoqarpoq, naliginnaasumillu inissiamik attartorniaranni minnerpaamik ukiuni 15-ini utaqqisariaqarpoq. Paamiunili illoqarfimmit nutsertoqartuaannarnera patsisaalluni utaqqeqaaranu inissiasamik pissarsisoqarsinnaavoq.

Namminersortut ingerlataannik attartortitsinerit ingerlanngitsutut oqaatigineqarsinnaapput, tamassumunngalu pisortanit tamanut inissiat attartortinneqartut annertuumik aningaasalersorneri pissutaalluni. Taamaalilluni namminersortut inissiaataat attartortittakkat inissianut pisortanit attartortinneqartunut naleqqiullugit akii minnerpaamik marloriaammik annertunerusarput.

Inissiamik utaqqisariaqarnerujussuaq inuusutisarsiorlut sulisussaminnik pissarsiniartarnerannut soorunalimi nanertuutaavoq.



ISERIT A/S-imi aningaasaleeqqittarnerit

Kommuneqarfik Sermersooq suleqatigalugu Iserit A/S pilersaarusiortarpoq, tassanilu kommuni ukiut tamaasa inissiateqarfimmut 10 mio. kr. miss. aningaasaleeqqittarluni. Inissiat iluini silaannaap pitsanngorsarnissaa immikkut qitiutinneqartarpoq, taamatullu aserfallatsaaliuinernut tunngasut allat isiginiarneqartarlutik.

Ukiuni aggersuni igaffiit, uffarfiit, igalaat, aneersu-artafiit matui, qalianik qulisinerit kiisalu inip silaannaanuit illersuutit inissiatepassuarni tapiiffigineqarnissaat ilimagineqarpoq . Ilanngullugu inissiat ilaat oqorsaqqinneqartussaapput, kiisalu najugaqarfinni assigiinngitsuni illup iluani silaannarmut tunngasut iluarsaanneqartussaallutik.

Nittartagarput www.iserit.gl alakkarukku aserfallatsaaliuineq pillugu paasisaqarnerusinnaavutit.





ISERIT A/S-imi inissiamut akiliutit inissisimanera

Pisortat inissiaataannut attartortortitakkanut tapiissutit annertooujussuupput, tamannalu ima kinguneqarpoq pisortat inissiaataannut tapiissutit patsisigalugit inissianut akigititaq naliginnaasumik akil atornagit appasitsinneqartorujussuusoq.

Inissiaateqarfiit pisoqaaneruset danskit naalagaaffianit Namminersorlutik Oqartussanit akeqanngitsumik tiguneqarsimaneri tassani ilaatigut pissutaasinnaavoq. Taamatullu aningaasartuutit naatsorseqarnissaanni m2-mut akiliutissap qanoq qaffasitsigisinnaanera qummut killeqarluni.

Kiisalu aserfallatsaaliuinerut inissiallu iluarsaanneqarnerinut, assersuutigalugu igaffiit taasersornerinut, nutaanik igalaalersornerut, nutaanik matulersuinerut, nutaanik qalialersuinerut allarpassuarnullu inigisanut akiliut annertunerusumik naleqqussarneqartannginnissaa aalajangiunneqarsimavoq. Inissiaateqarfinnik piginnittup inissianut aningaasaleeqqittarneqanut qaffaasarneq assersuunneqarsinnaangilaq.

ISERIT A/S- ikkoorlutit inissiat qanoq ittut attartorsinnaavigit?

Iserit A/S inissianik assigiinngitsorpassusarnik, ataatsimik initalinninngaannit tallimanik initalinnut neqerooruteqarpoq. Inissiaateqarfiit quleriinnik inissiatitallit ilaapput, kiisalu Tasiilami nunaqarfittaani illut ilaqtariinnut ataasiakkaanut ilaqtariinnullu marlunnut periarfissat pigineqarlutik.

Illoqqortoormiuni Iserit A/S-ip illut 70-it, ilaatigut ilaqtariinnut ataasiakkannut ilaatigullu ilaqtariinnut marlunnut agguataarneqarsimasut ingerlatarivai.

Nummi, Kapisilinni Qeqertarsuatsiaanilu inissiat katillugit 1.423-it kommunimit pigineqarput. Taakku immikkoortunut arfinilunut agguarneqarsimapput, ilaatigut inissiat quleriit, kiisalu ilaqtannut ataasiakkaanut ilaqtannullu marlunnut atugassiaallutik.

Paamiuni Arsummilu inissiat kommunip pigisai 126-iusut tamarmik Iserit A/S-imit ingerlanneqarput, Tasiilamilu nunaqarfittaani Sermiligaami, Isortumi, Kulusummi, Tiniteqilaami Kuummiunilu inissiat katillugit 342-usut attartortitaraagut ingerlatalugillu. Tamatumani pingaarnerusumik illut ilaqtariinnut ataasiakkaanut ilaqtariinnullu marlunnut atugassiat aamma pineqarput.

Sumiiffik	Inissiaatigut ima agguataarneqarput					Katillugit	Utoqqarnut inissiat
	1	2	3	4	5		
Nuuk	100	488	529	238	68	1423	41
Paamiut	9	61	39	19	0	128	16
Tasiilaq	11	178	104	39	9	341	25
Iltoqqortoormiit	0	35	15	10	8	68	1
Katillugit	120	762	687	306	85	1960	83

Iserit A/S

Industrivej 2A

Postboks 1539

3900 Nuuk

Oqarasuaat: +299 36 30 00

Fax: +299 36 30 19

E-mail: iserit@iserit.gl

Web: www.iserit.gl

Qitiusumik allaffeqarfitta, taamatullu Paamiuni Tasi-
ilamilu allaffigisatta ammasarneri pillugit nittartakka-
sinni paasisaqarsinnaavutit.



Tunumi Entreprise A/S

Totalentrepriser i Østgrønland:

Entreprenør • Tømrer • Snedker
VVS • EI • Flytteforretning

Postboks 502 • 3913 Tasiilaq
Tlf.: +299 98 12 38 • Fax: +299 98 11 95
www.tunumi.gl • www.tunumi.dk



– virker i hele Grønland

WWW.ISS.GL

ISS CLEANING SERVICES
ISS Rengøring 34 20 50

ISS OFFICE SUPPORT
ISS Flytteservice 34 20 60

ISS SECURITY SERVICES
ISS Security 34 99 99

ISS PROPERTY SERVICES
ISS Industri & Skade 34 20 58

ISS PROPERTY SERVICES
ISS Brand & Redning 34 99 88

ISS PROPERTY SERVICES
ISS Ejendomsservice 34 20 50

ISS PROPERTY SERVICES
ISS Teknisk Afdeling 34 99 93



HOVEDKONTOR: ISS Grønland A/S • Postboks 519 • 3900 Nuuk • Tlf. 34 20 50 • Fax 34 20 77

Nuuk Vand & Varmeservice ApS

Box 642 · 3900 Nuuk · Tlf. +299 325022 · Fax +299 325023 · nvvs@greenet.gl



MALERFIRMAET KILIME APS

Mobil: 55 62 44 & 55 72 54

Virksomheden GRØNLANDS VVS APS arbejder professionelt med energiformerne SOL - JORD - OLIE - EL - VAND og kombinerer disse elementer i projektering af nyanlæg, driftsforbedringer i industri- og boligbyggeri, og produktudvikler løbende inden for disse energiformer.

Logoet afspejler de sammensatte kompetencer som virksomheden råder over.

GRØNLANDS VVS APS
GREENLAND PLUMBING



Pukuffik 12 · Boks 237 · 3900 Nuuk · Telefon: +299 32 58 33 · Fax: +299 32 41 60 · Mail: cowboy@greenet.gl



DØGNVAGT

GODTHÅB OLIEFYRSERVICE **v/ Lars Fredsbo**

AUTORISERET FORHANDLER AF:
Weishaupt & Riello Oliefyre

SKORSTENSFEJNING

For tidsbestilling af service/skorstensfejning,
ring 32 29 11 mellem 8 & 16

DØGNVAGT

Ved stop af oliefyre udenfor normal åbningstid,
kontakt døgnvagten på 55 62 25 / 55 62 26

GODTHÅB OLIEFYRSERVICE

Box 1212 · 3900 Nuuk · Tlf.: 32 29 11 / 55 62 26 / 55 62 25
Fax 32 13 38 · E-mail: fredsbo@greenet.gl



TEKNIKENTREPRENØR

Brøndum Grønland A/S · www.brondum.gl

Nuuk

Postboks 72
3900 Nuuk
Tlf. +299 324146
Fax +299 324048

Sisimiut

Postboks 149
3911 Sisimiut
Tlf. +299 864717
Fax +299 864712

Ilulissat

Postboks 660
3952 Ilulissat
Tlf. +299 942454
Fax +299 945424

Kangerlussuaq

Postboks 199
3910 Kangerlussuaq
Tlf. +299 841055
Fax +299 841125